

~~14, 884.~~

Mf. 6734.



Biblioteka Jagiellońska

stdr0012052

Mf 6734 (P1-5)

D. D.
MELETEMA HISTORICUM
DE

HOLMGARDIA,

CUJUS

PARTEM PRIOREM,

CONSENSU AMPLISSIMÆ FACULT. PHILOSOPH. IN RE-
GIA ACADEMIA ABOENSI,

PRÆSIDE

VIRO CI.

D^N. ALGOTHO A.
SCARIN.

HISTOR. & PHILOS. CIVILIS PROFESSORE
ACADEMIÆQUE BIBLIOTHECARIO,

Publico examini subijcitur

JOHANNES BILMARK, *Job. Fil.*
V. GOTHUS.

AD DIEM III OCTOBRIS, ANNI MDCCL.
H. & L. S.

ABOÆ, Ex. JOH. KÆMPE, Reg. Acad. Typogr.



Sax. R:æ M:ris
MAGNÆ FIDEI VIRO,
Reverendissimo PATRI ac DOMINO,

**Dn. DANIELI
JUSLENIO,**

S. S. Theologiæ DOCTORI celeberrimo, diceceseos
SKARENSIS EPISCOPO eminentissimo, Ven. Consist. PRÆ-
SIDI gravissimo, Reg. ibidem Gymn. & Schol. EPHO-
RO adcuratissimo,

MÆCENATI MAXIMO,

Maxime Mæcenas, PRÆSUL venerande Gothorum,
Suscipias, supplex rogo, quod frigida fœtura
Clio TIBI tenuem mittat de littore caro,

Littus, quo nomen resonat per amoena vireta

Musarum usque TUUM, cedro quod scripsit Apollo
Dudum, quo seri volvant TUA facta nepotes.

Littus, quo grex castra sequens vexillaque Christi,
Excubias cujus vigiles modo gnævus agebas,
Persolvit grates memori de corde perennes.

Gardia nostra, licet nomen nunc civibus ipsis
Vix notum, vasti pars est quoque littoris hujus.

Quæ ergo ejus sistunt, diluta FATA colore

Conscriptas obartas facilis vultuque sereno
Adspicias, quamvis nullo munuscula cultu.

Grandævum superes annis, rogo, Nestora multis
Rudësule quo tanto Vestgothica runa fruantur!

REVERENDISSIMI NOMINIS TUI

Cliens humillimus

JOHANNES BILMARK.

1043280

RECTORI MAGNIFICO
Dn. Mag. OLAVO PRYSS,
Juris Patrii & Rom. PROFESSORI celeberrimo,
MÆCENATI MAGNO.

VIRO maxime reverendo atque celeberrimo,

Dn. Mag. SAMUELI PRYSS,
S. S. Theologiæ PROFESSORI dignissimo, utriusque
Consist. ADSESSORI gravissimo, Ecclesiæque Pama-
rensis PASTORI meritissimo,

Mæcenati magno & Nutritio indulgentissimo.

Cum magnos non nisi magna, neque doctos nisi tersa & ex-
quisito elaborata studio deceant, merito dubitat in com-
mota Minerva, satum huncce tenuem limato VESTRO conspectui
submittat, an vero in ipso, quod dicitur, partu eundem sup-
pressum sititura. Sed erigit & allicit dubitantem protexus &
singularis favor VESTER, quo me per aliquot annos amplecti
hæcæ designasti estis. TUUM imprimis studium, Tuæque MÆCE-
NAS & NUTRITIE propensissime, beneficia dum grata mente re-
colo, tanta & tam multa eadem esse invenio, quanta non mu-
nere, neque voto assequi possim, in illa distractione magna men-
tis meæ, quam properata h. Parentis mors nuperrime accelera-
vit. Quicquid sit, ne merita VESTRA silentio involvere, me-
que ipsum ingrati animi crimine obligare velle videar, præ-
sentem de Holtgardia vetere historiæ nominibus VESTRIS
inscribere a pietate alienum non duxi. quam ut serena fronte
excipere, measque fortunas constanter conservare dignemini, hu-
millimus oro & obtestor. Conserve VOSMET Summum Numen pa-
triae, arbi nostro literaria & demum stirpi inclutæ VESTRÆ pi-
gnori præsidioque, in longam annorum seriem, dum meis san-
ctis suffragandi studium ego neque penes VOS un-
quam dehaerabo

CELEBERRIMORUM NOMINUM VESTRORUM

Cultor humillimus

JOHANNES BILMARK.

*VIRO admodum reverendo atque
praeclarissimo,*

**Dn. Mag. ANDREÆ
VICTORIN,**

*Pastori in Segelås meritissi-
mo, viciniqu; districtus Prae-
posito vigilantissimo,
Avunculo semper colendo.*

*Viro plurimum reverendo atque
Clarissimo,*

**Dn. JOHANNI
BECHNER,**

*Pastori in Hwalstad dignis-
simo,*

Patruo carissimo.

Viro amplissimo,

**Dn. ANDREÆ
UNGER,**

*Civitatis Vexionensis Con-
suli æquissimo
Patruo honoratissimo.*

Viro spectatissimo,

**Dn. CAROLO
BILMARK,**

*Teloniorum civitatis Lin-
desbergensis Inspectori ad-
curatissimo,*

Patruo exoptatissimo.

Viro Spectatissimo,

Dn. SVENONI BILMARK,


*Gazæ publicæ a rationibus dexterrimo,
PATRUO OPTIMO.*

Vobis, Avuncule & Patruo exoptatissimi, ob innumera in se collata beneficia, gratissimum animum, summamque observantiam testificaturus, has qualescunque studiorum primitias, cum flagrantissimo omnis felicitatis voto offerre & consecrat

NOMINUM VESTRORUM

cultor observantissimus,

JOHANNES BILMARK.



§. I.



Retoræ plagæ inhabitatores inter antiquissimas gentes numerandos esse, vel exinde constat, quod non aliunde, quam ex ipsius Asiæ gremio primi advenerint incolæ. Antesignanus enim coloniarum huc migrantis *AS.* h. e. ex Asia oriundus (*a*) in antiquissimis dicitur historiis: immo expressis verbis identidem generis series & stemma ejus ex Asia educitur. Scilicet, cum post confusionem Babelicam increfcere magis magisque genus humanum inciperet, inque varias mundi partes coloniarum se infunderent per patentia maria aliarum; aliarum vero tuto magis itinere per lacus, paludes, flumina, rariis ruditer confectis, silvas & squalidas siccitate regiones occuparent: non minori cum veri specie, quam annalium fide asseritur, Japhetidas, Volgæ, Tanais, Borysthenis, Dunæ, Duvinae ductum sequutos in hac polo proxima otia concessisse, ibique quam alibi magis securas commorationis sedes elegisse. Neque enim inclementia cæli aliqua plagæ invadendæ hujus moram advenis injecisse censenda est, id quod exterorum multo hodie magis, quam olim per quietem visum fuit; corporibus enim minus nocet frigida, quam calentibus variis

riis iisdemque noxiis exhalationibus oppleta atmosphaera. Videre autem video, quae fronte illi dicta excipiant, qui septentrionem primis post diluuium seculis, aquis ultra montes Riphæos assurgentibus, submersum fuisse probare conantur. Verum cum ad convellendam sacrae & profanae historiae antiquam fidem spectet hypothesis ista in foro Philosophico, quantum satis est, nondum excussa, certe ad umbilicum non deducta; quin, in non paucis, ubi in exemplum regulae experientia citatur, ipsa secum, dissentiens sit: mihi certe, si quae in incerto adhuc fluctuans est opinio, adeo certa & evidens non adhuc obveniat, ut quae inhabitati ab antiquo orbis huius decora fuerunt, primus ego, vel inter primos eradere sustineam, obstinationi alicui dissentium meum non facile verum illi speraverim.

(a) *AS* Deus verus & summus olim dictus fuit. Inde Dii multarum gentium eodem nomine compellari coepere, qui miraculo rerum gestarum, aut utilium inventionum claruere. Apud nostrates *ASIAMEN* & *ASKYNDUR* dicebantur, qui principis Phrygii in has terras comites fuerunt. Ab illo vero sacra celebri nomine, sicut *ASIA* pars mundi divina, ita ex eodem quoque *ASGARD* & *ASHOF* civitas Dei cognominari meruere.

§ II.

Proximo ante natum CHRISTUM seculo, in borealem plagam *OTHINUS* II. concessit, Svethiamque suae ditionis fecit, postquam in *GYLFONIS* ad obsequia facillimi regis familiam admissus, eundem diviniore cuiusdam sapientiae admiratione dementasset, populumque glaucomate isto ad defectionem a principe suo transduxisset. Venit non solus nec cum paucis, sed numerofo Asiaticorum stipatus agmine, regem, si praestigiae

stigia non valerent, armis hastisque extrusurus. Tantam vero hominum nubem, qui in aliorum potius degere terris, quam in suis consensere assueti erant, cum patria non caperet, in vicinas variae post non multo demigrationes & dispersiones factae fuerunt. *Venediam* transmarinam praeter ceteris regionibus in suas sedes consecrasset, qui mutandi soli consilium cepissent, facti non unius loci testantur. Loquitur de recepto pridem aboriginum Gothorum more isto *Jornandes*, cum ex *Scanzia* insula, quasi officina gentium, aut certe velut vagina nationum, cum rege suo *Bericho*, Gothos quondam fuisse egressos; eosdem oceani ripas quaquaversum insedisse, ibidem castra metatos, & veteres incolas, commisso praelio, avitis sedibus pulsos, suis applicuisse victoriis, perhibet. *Ulmerugiam* trans mare primam Gothorum coloniam tenuisse, Historicus idem commemorat: quam si *Venedico* sinui conterminam fuisse, eandemque *Careliae* & *Ingriae* partem olim constituisse, recentiores nonnulli evictum ire potuerint, non aliam, quam sequioris aevi *HOLMGARDIAM* fuisse, non è longinquo quisque videt.

§ III.

ET quod sequioris aevi coloniam *Orbini* attinet, non *Historia* solum illius in partes Orientales migrantis testis; sed refricant parociarum & praefectarum, quae adhuc supersunt, nomina quoque veterum ductorum suorum memoriam. *Sturlaugeri* historia gentis Asiaticae, *Orbino* duce in septentrione primitus sedentis, & per omnes terras linguae suae commercium disseminantis, ab initio mentionem facit. Qui *Hervorae* historiam literis consignavit, *TIRCAS* nomine prodit. annon ex illis *Tirkar Fennigiam* transeuntibus, *TURKU RJOBSEAD*, *TURCILINGI*

Slavicae originis, & demum Aboënsis urbis Fennica denominatio descendat, vernaculae nostrae me magis gnaros, arbitros appello. In *Savolaxia* occurrit parochia *SEM-MINGE*. Othini sive filii sive nepotis, cujus sub auspicio primos accepit colonos, rerum gestarum gloriam retexens. *SAIMA* lacus, ipsaque regionis *SAVOLAXIÆ* (*SAIMENLAXIÆ*) appellatio a *SABMIS*, *SEMBIS*, *SEM-LANDIÆ*, quæ hodie est, veteri colonia, aut certe stirpis Othinianæ in hanc terram duce, cujus mentionem modo fecimus, quique magnæ auctoritatis Vir, Verelio audit, utrum nomenclaturam suam traxerint, post non multo visuri erimus. *KARELIAM*, quam Venedia sub se complectitur, ita dictam a *KARO FOR-NIOTHI* filio, qui primus in hac regione sedem obtinuerit fixam, nob. *BJOERNER* evictum dedit in tr. de Varegis p. 137.

§. IV.

Nemo mirabitur, si, quæ primis temporibus in *Russia* contigerunt, tenebris, quibus Bosphoranorum acta cetera, cimmeriis sint involuta. Barbaries gentis ante non multa secula deposita, Tattarorumque, qui eisdem diu imperitarunt, deprædationes & incendia faciunt, ut credam, quod si quæ blattis & tineis escam non præbuerint monumenta domestica, fabulandi monachorum licentiâ omnia sint corrupta; qui, cum fatiscientibus majorum traditionibus lucem aliquam affundere videri voluere, nullo non imposturæ genere contaminare aggressi sunt. Nisi igitur historia Moschovitica annalium fide *Svethicorum* collustrata esset, certitudo gentis illius politicæ & œconomice, ad tempora usque *Roderici* ejusque fratrum Waregorum, omnis ferè vacillaret. Risalandiam ante adventum *Sigurlami* ali-

aliquos habuisse incolas, improbable non est: Gothis vero sedes hic figentibus, reipublicæ formam eandemque Asiaticam vel monarchicam mox acquisivit. Post obitum *Sigurlami*, quid in hac terra actum sit gestumque non constat, nisi quod versus gigantes, filius ejus *Svafurlam*, gigas ipse, facinora magna & memorabilia ausus fuerit; utrum verò alias nationes, qui eundem proxime excipiebant, posterius illius subjugaverint, & quousque fines imperii sui dilataverint, præterquam per conjecturam augurari nemo potest. Quicquid sit, quamvis fortunam & conditionem primorum temporum gentis hujus expiscari nulli potuerimus; indubium tamen est, terram hanc, sicut ceteræ omnes orbis partes, in minora multa regna primitus divisam dissectamque fuisse. Eorum quodlibet suum agnovit exarchum, quorum maxime incliti sunt, qui *Novogardiæ*, *Holmgardiæ*, *Aldejoburgi* (*Stargard*) & *Kioviæ* sedes imperii habuere. Circa medium seculi IX. e *Varegia*, quam, ipsis ultro continentibus *Russis*, *Svethiam* esse non amplius ambigit quisquam, tres principes eisdemque consanguineos, *RODERICUM*, *SINAUM* & *TROUVORUM* ad habenas imperii capeffendas evocarunt Moschovita. Hi triumviri vastam regionem inter se partiti sunt. *Rodericus* *Novogardiam*, *Sinaus* *Biela-Ozoram* & *Trouvorus* *Pleschoviam* obtinuit: *Sinao* autem & *Trouvoro* brevi post decedentibus, summa imperii *Roderico* in solidum fuit delata. Limites hos valde prorogavit *IGORI* *Roderici* filii fortissimus belli dux *OLEG* vel *ODLEG*, quem cum *ODDONE* *Jaculatore* e *Norvagiæ* regulis oriundo, eundem esse in suo de *Varegis* schediasmate b. m. *BJOERNERUS* multis contendit, sub jugum *Ruthenorum* *Kioviæ*, *Smolenskoviæ* & pro-

provinciam Drevlianam, vel ut ab aliis nominatur, ducatum Pacinacensem mittens. Roderici pronepos fuit *VOLODOMIRUS* vel *VALDEMARUS*, qui eodem tempore, quo *ERICUS Victoriosus* Svethiæ monarcha vixit, & in annalibus Svethicis, præsertim *OLAVI Tryggvassonii* regis historia perquam celebris est. Ille prout fratrum suorum sanguine aditum sibi ad imperium aperuerat; ita discordiæ semina inter filios non minora sparsit, regnum inter illos dividens. Loco unius duodecim mox agnoscere regulos, filios *Valdemari*, regio coacta fuit. Novogardia, Polotsko, Kiovia, Rostovia, Muromia, Volodomiria, Plechovia, Tweria, &c. quæque suum nacta fuit dominum. Fratribus autem in se invicem debacchantibus & de summa imperii concertantibus, *JARISLAVUS*, *OLAVI Skautkonung* gener, Varegorum stipatus copiis, terras majoribus suis subjectas solus sibi vindicavit: orientali ditione excepta, quam *Mestislavus* quidam impotentis fortunæ suæ spoliū esse voluit, sed qui *Tattaris* hoc eodem tempore Poloniam & Silesiam obsidentibus, fasces submittere post non multo coactus fuit. Hi cum in ulteriori Sarmatiæ parte, res suas ex sententia egissent, Moschoviæ subjugandæ mox consilium iniverunt. quin successit adeo prosperè illis etiam populatio ista, ut qui hætenus cum imperio fuissent, principes indigenæ, ad arbitrium horum dominorum se suaque conferre coacti fuerint. Atque in hoc statu permansit Russia ad annum usque 1477, quo *JOHANNES BASILIDES Senior* ad excutiendum jugum cervicibus Russorum a *Tattaris* impositum, animum viresque imperii sui convertere cepit.

S. V.

Qui historiam patriæ accuratius sunt rimati, præcipuè

zipuè verò *STURLONIDES*, ceu apprime notatu dignum observat, sub *Svethiæ* nomine non æque patentem terræ tractum semper intelligi. Discrimen admittunt inter *SVITHJOD* & *SWEAWÆLDI*, inter *SWEALAND* & *SVEARIKE*, quod tam ex *Vitkina Saga* p. 76, quam ex aliis bene multis scriptis elici potest. Per *SVITHJOD* nonnunquam tota illa orbis pars, quæ a Ponto Euxino septentrionem versus se in mento spatio extendit, cognita fuit, & *SVETHIA MAGNA* dicebatur. Cui assertioni suffragatur *Yoglinga Saga* p. 122: *En norðan ad Svarta hafsi geingur SVITHJOD IN MIKLA, etbur in Kaltha: Svithjod ena mikla kalla sumer men eigi minni en Serkland in mikla, sumer jafna benni vid Blaland.* h. e. a Septentrione ad mare nigrum exporrecta fuit Svethia magna, vel frigida: hanc non minorem magna Serklandia (a) alii faciunt, eam cum Blalandia alii comparant. In eandem ingreditur sententiam *MAITHIAS MICHOVIVS* asserens: omnem illum tractum, qui priscis Sarmatia & Scythia Asiatica dicebatur, Gothici imperii & possessionis olim fuisse. Illius effatum pro genuinæ antiquitatis testimonio accipere, si detrectaverit quisquam, en descriptionem a *TORGNYO* Uplandorum nomarcha factam. *OLAVI Skautkonungii* tempore ille floruit, & de imperio S. Gothico, quod *ERICO EMUNDSONIO* regnante, Finlandiam, Careliam, Esthoniæ, Tattariam, aliasque late patentem regiones ambitu suo comprehenderit, in ipsis regni comitiis testatum fuisse constat. Et profecto, si Svethia officina & vagina fuit gentium, quam laudem firmis admodum argumentis eidem vindicarunt Historici, vix pauciores illam complexam fuisse regiones oportet. Ex Scandinaviæ enim proprie sic dictæ gremio tot tamque popu-

8
 populosas emitti potuisse colonias vix alias credibile vi-
 detur. quid? quod cum hostes ingentibus stipatos co-
 piis laceffere non dubitaverint nostrates, quis non ha-
 bitabilis Svethiæ maximam olim vastitatem fuisse, ul-
 tro agnoscat? Quæstionem facile suboriri intelligo, quo
 tempore potentia Sveo-Gothica ad tantum adscenderit
 fastigium? Hoc factum esse existimaverim, paulo post,
 quam *Othinus* II. septentrionales terras sibi subiecisset.
 Eundem filium *Sigurlamum* ad orientem dittoni univer-
 sæ, puta *Venediæ* præfecisse modo audivimus, sed non
 alio, quam fiduciario jure solo: neque dubitamus, quin
 nihilominus curandæ summæ rei arbitrium potestatem-
 que sibi reservaverit Othini imperiosa majestas. Qua
 verò tempestate recentioris avi migrationes ab aliis in
 alias gentes susceptæ fuerint, res est non adhuc, quan-
 tum satis est, palam facta. Id eventus ipse docuit,
 quod ingruentibus domi variis tam externis quam in-
 ternis calamitatibus, provincias Tanai adjacentes ho-
 stibus cedere coacti fuerint Svethi; in illo magis ma-
 gisque coarctato Svethiæ imperio satis habentes, quod
 Novogardiæ Plechoviæque reguli supremo regi Upsa-
 lensi fiduciario jure per plurimum seculorum decursum
 obnoxii vixerint. Præstabant illi reguli, ad modum
 Germanorum *Marchæ*-comitum, præsidium versus in-
 cursiones barbarorum, & quotquot juris illius ditio-
 nisque cives fuere, aspreolorum pellibus, in vicem
 tributi, solutis, securitatem privatæ domus suæ singu-
 li, idque quotannis redimebant. Sed fuit illud fiduci-
 arium imperium neque semper tranquillum. Fuere in-
 ter illius principes alii alique, qui invigilantes occa-
 sioni, alienigenam dominum detrectantes, plenarium
 jus regni ipsi sibi vindicare aggressi sunt. Decrescente
 me-

9
 memoria naturalis cognationis, nocendi proclivitatem
 in genere humano succrevisse, *CICERO* monet. De *O-*
thinianis Væregis idem dicendum, quod imminutâ apud
 ipsos etiam communis stirpis memoria, gloriæ & di-
 gnitatis suæ auctoribus post non multo imminere cœ-
 perint. De *HERNITHO* enim ab origine proximè remo-
 to regulo legimus, quod regnum Gothorum ipse in-
 vaserit, ejusque cives tyrannica manu supplantaverit.
 Meminit turbati imperii & temporum illorum *RIM-*
BERTUS, *Anscharii* religionis testis idemque vitæ illius
 fidus auctor, cum avo suo quoque Sveonum regem *O-*
LAVUM II. *Bjærnowis* Haugenis filium, in Curlandiam
 valido congregato exercitu expeditionem fecisse nar-
 rat, urbibus præcipuis expugnatis ad victas manus dan-
 dum compulisse gentem, datisque obsidibus ad census
 sveti solutionem, imperiique Svethici, sicut antea, su-
 perioritatem agnoscendam metu suo adegisse, com-
 memorat. Danos occasione invigilasse & *Anscharii* æ-
 tate ad excutiendum jugum S. Gothorum cum rebelli
 gente collulisse, insuper etiam memoriæ prodit: ve-
 rum *HACHONE RUFIO* regnante adhuc imperii S. Gothi-
 ci partem constituisse, *ADAMO BREMENSE* præeunte, ve-
 nerabilis Acad. Upsal. Senior Dn. Doctor *OLAVUS CEL-*
SIVS observatum dedit in epistola ad Cl. Præsidentem data,
 cujus apud *NETTELBLADIUM* Bibliothec. Sveth. Part. V. p.
 66 copia prostat. Hæc & alia multa ex antiquis annali-
 bus deprompta testimonia, satis indicant superque, *VA-*
REGIS SVETHIS quondam paruisse Venediam, imperiumque
 horum cum detrectarent incolæ, ad necessitatem deden-
 di semet regi Upsalensi iterum iterumque fuisse com-
 pulsos.

(a) *SERKLANDLE non unius, sed geminae in historiis
 B præcis*

priscis mentionem fieri; alterius Tartariæ seu Sirkassiae, vulgo sic dictae; alterius Africanæ, arget in laudato jam ante Schediasmato suo p. 73, Bjærnerus, qui inter mortales nuper esse desit. *BLA-LANDIA* in historia Asm. & Eigilli *BLA-MAN-LANDIA* dicta, situm cum Bulgaria Russorum eundem obtinet.

S. VI.

Vere dixit nonnemo: vocabula sunt vestigia, ubi rerum cubacula. Oriuntur, Ammonio teste, philosopho peripatetico, nomina non sine mente & consilio. Conferunt alii nomina, spe inducti; aliae ad conservandam memoriam appellationes imponuntur. Ad conjungendam cum posteritate antiquitatem gentis suæ, nostratium coloniis ubique fere usitatum fuit, ut quæ longo usu increbuisent, vernacula locorum nomina, victri-cibus armis suis ad externos quoque propagaverint. Hinc qua parte terrarum inveniuntur, immo multiplicantur notiones Gothicæ, quis non incolarum gentis illius inibi se quoque rationem repensisse agnoscit? Certe non ego, neque alius quisquam facile concipere potest, qui nomina, mores & caeremonias Gothorum penes se irrepere pati potuerint Venedi, nisi a Scandianis majores suam originem olim habuissent. Est Russorum lingua notionibus Sarmaticis usque adeo referta, ut si voluissent fata ad ipsos pertinere nomenclationem primam locorum, vocabula, quibus una cum regione inclarerent, aliunde arcessere, civibus plane non fuisset opus. Nunc cum non mare ipsum modo, sed & fretum, imro regiones & urbes in proxima notionibus mere Gothicis insigniantur, coloniam gentis nostræ viciniam illam prius in-sedis-se, res ipsa loquitur. Trahit in illam sententiam exterorum multos, etiam invitos, *JORNANDIS* testimonium, cum de popu-

populis ex Scanzia emigrantibus perhibet, quod quas-cunque terras infederint, iisdem quoque ex se nomi-na indiderint. confr. Hist. Ger. C. 13. Urssisse idem in-stitutum aliarum orbis terrarum occupationibus disten-tos, in comperto res est posita. (*) Interim cum im-petu non uno sed diverso i. e. per intervalla temporum frangere potuerint nostratium sobolem vere martiam, in pristinum robur iterum iterumque convalescentem; magis de vindicando sibi principatu, quam de abolen-dis pristinis nominibus curam cogitationemque inten-disse suam, cum fastis consentiens usus ipse compro-bat. Ut quæ dicta sunt exemplis non multis sed pro-bis & validis evictum eam. Nostrum quis, quæso, ne-scit gentis, quæ ultra Vinlandiam sedes suas fixerat, principes *VÆRINGAR* dictos fuisse. Est nomen idem Gothicæ omnino originis, & quo vix aliud breviter & concinnè magis illorum summam officiorum expri-mere potuit. *VÆRING* descendit a *VERGJA* vel *VÆRJA* & significat non solum vim aliorum infringere; verum etiam periculi imminentis quempiam admonere. Hinc *WARG* nomen, item *VÆRJA*, *VÆRJENDUR*, *VÆRINGUR*, *VÆRING* custos originem traxit. *KIRCKOWARGAR* cu-ratores & economi templorum apud Scanos hodie quo-que insigniuntur. De vocabulo hoc, *VÆRINGORUM*que officiis vid. Diss. Cl. Præfidis de *VAREGORUM* origini-bus, nob. *BIOERNERI* tr. de *VAREGIS*, itemque Prof. Lundensis Cel. Dni *BRINGS* de *GOTHUNGIA* commenta-tionem p. 36. Ab hac notione literarum, caractere solo dissentit alia decomposita, quæ *LANDVARNAR-MADUR* a *LAND* terra, *VARNA* admonere & *MADUR* viro h. e. regionum præsidarii reguli iidem nuncupa-bantur. Occurrit in annalibus horum Vasallorum

(*WACHTSHALDIR*) frequens mentio, quomodo, invalescentibus una cum tempore opibus illorum, Upsalensi supremæ potestati, fiduciario jure subjici demum aspernati sint. Loquitur res ipsa quoque, quomodo hostibus ingruentibus, quoties suppetias peterent, indigentque, nulla habita detrectati obsequii ratione, a sui genitore vel effectuore populo multoties obtinuerint; quin, cum intra Scandiam bella externa, sæpe etiam civilia increbescerent, reductos ad obsequium regulos hosce progenitoribus auxilia submisisse; immo contractis matrimoniis arctissimam utrinque conjunctionem sapius promotam & stabiliorem redditam fuisse constat. Felices non una parte neque uno modo, quamdiu cum *Marchionibus* suis *Svethiæ* conveniret. Sed non diu fuit, antequam dissensiones armis non ullis frangendæ se undequaque novere inciperent. quam enim gratiam degeneres filii parentibus rependere crebro solent, eandem refractaria *EXCUBITORUM* soboles hæcæ quoque avitæ genti suæ sæpe retribuit.

(a) *Borussiae & Pomeraniae ditiones hodiernæ annon Slavici & Veneis in illas terras sequioris ævi colonis nomenclationem suam debent?*

§. VII.

Sed sunt non illæ voces unicæ, quæ, quod dici solet, ex *Græcia* in *Latium* immigravere: sunt adhuc plura nominum a *Gothis* desumptorum exempla obvia. Terra, quæ regulis, quorum titulos breviter expendimus, paruit, *GARDARICÆ* nomine olim quoque appellatur. Hanc ita dictam vult *SCHOETGENIUS* in tr. de *Rufforum* *Synonymis*, quasi urbibus dives, majori illarum copia abundaverit, quam ulla alia tum temporis septentrionis regio. Quod si verò attendere Viro

Cla-

clarissimo placuisset ad ea, quæ de Germanis *CÆSAR* & *TACITUS*, atque de urbium in universum antiquitate dixerit *CONRINGIUS*, quod ante *CAROLI M.* tempora urbes penes se nullas, majores nostri pati potuerint, honorem antiquitatis & nobilitatis politicæ nus illud paganis inhabitatoribus hujus plagæ, adeo non promptè & licenter tribuisset. Fuisse civitates eorum longo tempore merè rusticas, & citra urbes legibus & imperio stetitisse solo, *Illustris VILDE* in sua historia politica evictum dedit. Deducitur autem *GARDARICÆ* nomen a *GARD* custodia & *RIKE* regno. Olim enim incolas hujus regni *Scandianis* in custodiam positos fuisse, seu qui hostium insultus reprimerent, supra monuimus. De *ZENOBLA* *Palmyrenorum* regina prostat effatum *TREBEL: POLLIONIS*, quod servante illa fines imperii *Romani* ad orientem, quæ instituisent securius ipsi perpetrare potuerint. De *Gothici* imperii feudatariis hæc formulam decernendi eandem non inepte accommodari posse, quisque vider. *GARDARICIA* autem a *Slavis* h. e. *Ruffis* & *Borussis* direptâ, *Svethiam* violentam hostium tempestatem nox perirentire cœpisse, certe otii, quo fatiscens domi sortis suæ incommoda levaret, jacturam fecisse, in aprico posita res est.

§. VIII.

Dicitur identidem regio hæc quoque *GARDAWELDI* a *GARD* custodem, & *WELDI* imperium denotante, adeoque *GARDAWELDI*, vi derivationis, est regio custodum vel *Gardianorum* subjecta imperio. *AUSIERGARDIÆ* & *OSTERGARDIÆ*, nomine quoque insignita fuit, ab *ANSTR* oriente & *GARD* custode sive numento, significatque adeo nomen idem, terram hanc pro-

14
propugnaculum regionum Svehicarum versus plagam orientalem sitarum fuisse. Quid, quod antiquissimæ membranæ & musco circumliti lapides runici mentionem injiciunt itinerum, quæ Othiniani in *AUSTURVEGIAM* olim instituerunt, *HAN REISTI AUSTURWÆGS*. Quamvis autem fatendum sit per *AUSTURVEGIAM* omnes orientem versus sitas regiones interdum intellectas fuisse; sapius tamen *Venedia* priorum temporum eo nomine indigitatur. Componitur autem *AUSTURVEGIA* ab *AUSTR* oriente & *VEG* via, notissimum enim est, Gothos gloriam famamque aucupaturos, versus alias non magis aut sapius, quam orientalem plagam hancce quondam expeditiones instituisse. Causa sine dubio, quod in bivio quasi sitæ fuerint dictæ regiones, unde in orientem pariterque occidentem commodissimè iri potuit. Hinc Russi *AUSTURWÆGS-MÆN* à Gothis appellantur. cfr. *STURLONIDEM* citatum *LUNDIØ* in *Zamolxe C. 2. §. 16.*

§. IX.

Sed non *Gardariciae* nomine, ceterisque cognominibus saltem cognita hæc Marchionum regio, verum in annalibus Norvagicis *OSTWENDEN* etiam nuncupatur, cfr. ad *Heimskringla* Tom. II. indicem, ubi in itinere, quod *HARALDUS Hårdroede* ad *JARISLAVUM* *Gardariciae* regem ingressus fuerat, describendo auctor occupatur. Præfectus *OSTWENDIÆ* ab affine rege ibidem constitutus dicitur. *OSTWENDIA* autem dicitur, sequioris avi *Venedorum* intuitu, qui ex hac nostra, ceu matris gremio egressi, Baltici maris viciniam Scandiae oppositam omnem fere coloniis suis impleverunt. *REID. GOTHALANIAM* h. e. dynastiarum Sveo-Gothicorum una cum patriâ, regnum, præcipuè verò *ANGANTYRI,*
HEID.

15
HEIDRECI & ceterorum, in hoc maris recessu insuper etiam quærendum esse multi urgent. Sed cum sit nobis constitutum de situ terræ illius agere thesi ultima occasione *SAMSOÆ* insulæ, in quo altero maris campo, seria ludorum olim explicuit pugilum turba Gothorum, donec eodem nos deduxerit series dicendorum, ancipitis, & si quæ alia controversæ rei illius examine interea superse demus. *HOLMGARDIÆ* oram, una cum vicini maris sinu, *VAREGLÆ* nomine Russis ipsis hodie quoque venire, non unus & alter, sed plures veteris avi consulti evictum lverunt. *DROMITAS*, a remigibus, qui naves actuarias concitatissimo cursu impellerent, itemque *SFOROS*, *SLAVOS*, *ROSSEIOS*, *COSSEROS*que, exteris scriptoribus plagæ hujus inhabitatores appellatos fuisse, constat. Sed cum nostri instituti res sit, non peregrinis gentibus, sed saltem nostræ genti usitatas evolvere nomenclaturas, intra septum me retineo, & ad illud, quod caput rei est, *HOLMGARDIÆ* puta recensioem nominis met demum accingo. Est illud Scriptoribus rerum Svehicarum & Norvagicarum familiarissimum, unde disertationem nostram illo quoque nomine inscripsimus. Et certe ad exprimendum natale solum pristini incolatus gentis hujus, nescio an genuinum magis aliud in medium proferri possit.

§. X.

O*STROGARDIÆ* & *OSTWENDIÆ* cognomento tractum illum omnem, qui Botnicum & Venedicum sinum interjacet, venisse olim, multa ad fidem faciendam præsto sunt argumenta. De *Holmgardia* idem dicendum. Neque enim apud Russos solum, sed in præfectura *Kymenegardensi* adhuc nomen superest, id quod para-
gra-

graphie sequens nos erudiet. Quodnam verò nomen, *OSTROGARDIÆ & OSIVENDIÆ*, an vero *HOLMGARDIÆ* robustum magis antiquitateque inveteratum sit, anceps est conjectura. Existimaverim interim, donec firmioribus in contrarium argumentis omnis sublata fuerit incertitudo, in illo certamine *OSTROGARDIÆ & OSIVENDIÆ* palmam esse concedendam. Etenim qui Scandiæ ad ortum oppositas terras, jure indigenatus primitus incolere, Venedi dicti fuere; & demum palatarum seu *GARDIÆ* feudo inibi instituto, qui custodiam limitum regnantis stirpis suæ receperunt, *GARDIANOS* & commissam curæ illorum regionem, *GARDARICIAM* & *OSTROGARDIAM* ab illo minimum tempore, quo a *SI-GURLAM* (*ODD LAME*) (a) Svethiæ regis genero terra illa inundari cœpit, nuncupatam fuisse, verosimile est. *HOLMGARDIÆ* contra nomen, si etymologiam sequi velimus, tum demum civitate donari cœpisse videtur, cum dynastia Othiniana in his oris ad occasum vergeret, & *Venlândia* propriè sic dicta, Moschoviaque non amplius unitæ, sed bifariam dissectæ, seorsim *MAGNUM DUCATUM* singulæ constituebant.

(a) Sigurlami inter filios Otbini in genealogiis vetustis nulla sit mentio, nisi sit idem, qui nominis affinitate in illa stirpis & filiarum Otbini recensione (Landfedgatal) Odd Lame dicitur h. e. mucronum hebetator, teste Verelio. Siguri verò i. e. victoriosi cognomine, in ceteris celebris erat Othinus. Ex eodem nomine venire potuisse filii appellationem perquam verosimile videtur. *LAM* vero propriè paralyticum h. e. debilem & membris fractum denotat; improprie maleficium exprimit, quo fabricata a Dvergis arma, nescio quo carminis aut succi veneno hebetari, veteribus pro persuasissimo habebatur.

§. XI.

§. XI.

Vi Rufforum origines accuratissimo judicio nuper investigavit Cl. *SCHOETGENIUS*, *Dresdensis*, inter Moschoviæ nomina refert quoque *HOLMGARDIAM*, idemque, Sturlonide auctore, cum orientis *GARDARICIA* pro synonymo agnoscit. Rationem redditurus appellationis, civitatem *fluctibus cinctam* innuere dicit. Quæ cum continentis Gardariciæ ambitum vastitatemque neuriquam comprehenderet nomenclatura, thema notionis Holmgardiæ nondum satis evolutum esse fatetur. Ab *OERNHJELMIO* etymologiæ suæ rationem desumpsisse *SCHOETGENIUM* non ego dixerim. Interim ex annalibus ecclesiæ S. Gothicæ *Summi Viri* constat, quod *Holmgardiæ* regnum in Curlandiæ & *Æsthoniæ* insulas, & quidem præcipue in *QESel* & *Dagôn* imperii illius sedem prolatum iverit. In illo maris recessu & proximis littori insulis sedem imperii constitutam fuisse, & ex confito terris freto Holmgardiæ nomen demum emeruisse, ait. Onomatologiæ isti & quæ eidem superstructa est historiciæ fidei nihil nos derogatum volumus. Sed cum hærentem in etymo illo & prope dissidentem invenerim *Schoetgenium*; quin, neque conspirantem in illam *Oernhjelmii* sententiam alium quempiam historicorum viderim: mihi neque vitio verti spero, si quæ aliis magis idonea apparet vocis illius originatio, ejusdem in præsentia quoque meminero. Colonia Asiaticæ partem, filio *Otbini* archistratego, in Venediam contendisse, & quibus paulo ante Svethi, artibus iisdem indigenam gentem hac quoque regione sub signa vocatam fuisse, diximus. Fuere duces inibi, tempore nonnullo, clientelari jure subjecti Upsalensi dynasti; id quod *HOLMGARDA-LÆHN* nostra-

C

18
nostratibus dicta regio insuper inculcat. (a). Sed
cum in longa posteritate avita stirpis reverentia ob-
solevisset, factum sensim, ut intestina æmulatione eo-
rum, qui rempublicam capesterent, in duplum vel
tripulum discerperetur magnus ducatus (b), & de li-
mitibus, quibus in diversam plagam aditus præmunire-
tur, consilia, quorum intererat, inire inciperent.
Turrium arte factarum supereilio non adhuc turge-
bat barbara regio. Montium muri immortales, ma-
risque ceu flumine interfusi vortices, castellorum,
quæ nostri avi sunt, vicem, rudi & inhospito illo
tempore, sustinuisse videntur. (c) Qui Savolaxiam &
veterem Gardariciam ab hodierna *Lavastia* (d) diri-
mit *Saimen* lacus ab una parte *Ladoga* (e) palude ter-
minatur, ab altera autem, continuato in arctum &
profundum alveo, Ostrobotniam usque exporrigitur.
Est ille lacus L. circiter milliarium, scopulis & insu-
lis tenui freto adherentibus frequens adeo, ut ad o-
rientem & occidentem sitæ regiones finitimæ septo
valido & perenni magis alio communiri vix potue-
rint. Istiusmodi propugnaculo turrato & præcipiti
HOLMGARDIÆ nomen originem suam debere, capta-
taque nominis illius naturali opportunitate, incolas
unius adhuc palati & linguæ, littoribus discretam re-
gionem compellare cœpisse, credibile est. Neque in
nomarchia Kymenegardensi modo *LESSIOE-HOLMGARD*,
æquestre prædium superest: verum in imperio Moscho-
vitico ab urbe Archangelopoli procul neque distitum
est *CHOLMOGOROD* municipium (f), quod *HOLMGAR-
DIÆ* veterem notionem in suo nomine renovare non
difficabitur, qui Russorum morem augendi numerum
literarum rite observaverit. Vocabulum ipsum, demto
augmen-

19
augmento, non syllabæ, sed saltem literulæ unius,
mere Gothicum esse non dubitabit, qui in ipso Go-
thiæ gremio, & quidem præfectura Bahusienfi, ean-
dem appellationem recurrere noverit in prædio olim
possessionis *STENONIS MALTESONI*, provinciæ Guber-
natoris, cujus cum honore meminit vir Cl. *JOH. OED-
MAN* in præfecturæ illius paulo ante luci publicæ da-
ta descriptione. p. 103. *HOLMGARDIÆ NIPHUNGICIÆ* in
alpihus Helveticis sitæ historia Vilkini insuper etiam
meminit. Sobolem esse coloniam *NÆFILUNGORUM*,
HOLMGARDIÆ nostræ olim Dominorum nemo dubitat.
EIVINDUS & *NÆFILLUS* Holmgardiæ hereditarii erant,
teste ex Mscr. codice veteri, *Peringskiældio*. * A *NÆ-
FILLO* autem gentis & nominis illius satore, aut sal-
tem posterorum aliquo migrationis Gothicæ illustri
socio, sicut *NIEFLUNGALANDIAM* hodie Burgundiam:
ita *Holmgardiam Helvicam* suam quoque cognomentum
invenisse, non longe videbit, cui plurimum in Italia
& Germania sitorum locorum nomenclaturam expen-
dere, eandemque mere Gothicam esse, attendere, a
re sua alienum non visum fuerit.

(a) Sub notione *HOLMGARDA-LÆHN* in chronicis
nostris fere ubique occurrit hæc regio. *LÆHN* vero cum im-
mobilis rei beneficium militibus concessum importet; unde
LANDSLÆHN & *LÆNDERMADUR*; apparet Holmgardiæ
principum jura, antequam auctæ & prolatae essent sedes
illorum, fidei & obsequii professionem fuisse: saltem titulo
non alio quam Vasallagii possessam istorum regionem.

(b) Magni ducatus nomine tergemina in vicinia re-
gionem, Lithuaniam, Russiam & Fenningiam insigniri,
patam produunt politici annales. Ad dominatum dynastæ uni-
us integrum tractum aliquamdiu pertinuisse, non titulus ipse

modo, primum universitati competens, & post distractionem mox singularum partium factus, indicio esse potest: sed ad sunt communitatis ejusdem genuini testes alii quoque. In ceteris auctor anonymus chronici Fenningiae, separationis Fenorum a Russia meminit, quod sine confederatione praecedente concipi nequit. Loquitur de eadem non obscure MESSENIUS, & qui in chronicon Fenicum structurae suas accedere voluit Illust. NETTELBLADII in Biblioth. S. Goth. Part. 2. p. 113. ubi ipse quoque ceu verissimam agnoscit hanc utriusque gentis conjunctionem, sed quam ultra tria secula, & novissimam sub ERICO Suetbiae rege invasionem terrae hujus, nullo modo durasse contendit.

(c) Tigrim & Euphratem magna sui regni munimenta esse, apud Curtium DARIUS agnoscit, & qui nuperissime Sinicae gentis historiam consignavere, portentosi conaminis murum tantum non praefuisse ad gentis securitatem fatentur, quantum maris insulas, montium & situarum naturalium opere valide munitas.

(d) TAVASTLANDIAE nomine quid BERGERUS JARL, qui regionem Suetbico imperio subjugem fecit, designare voluerit, multifariam multi conjeclant. Gothicae originis illud esse nemo dubitat, cui Fennicae linguae nomenclatura multo diversissima, Hæme & Hæmenma non penitus ignota. De nominis illius auctore certe non dubitandum est, quin, aliorum more nomenclatorum, significativam esse voluerit novi nominis impositionem, adeoque in conferendo signo illo, partim incolatus illius conditionem, partim etiam facti & fortunae nuperam justificationem respexerit. Mibi nomen constat esse videtur a **DUVA** corripere, **WAN** & **WATN** aqua, & deniq; **LAND** terra. Sensus igitur conjuncto suo, nostrae convenienter menti opinionis, exprimere velle videtur vox illa continentem aquis irriguam & victricibus armis subjugatam. **WASSER** & **WATN** Suetbicae

est originis voces, quid dialecto Gothicae significant **WASTENA** & **WASSBO**, notissima nomina satis apte demonstrant. Quid sibi velint **IA** & **TAKA**, familiaria Gothica nomina multa indignant, imprimis **ÆTTAK**, **SUNTAK**, **QVÆTTAK**, **INTAKA** & cetera villarum, parochiarumque nomina, quae ditionis Folkungicae pridem fuere, & a nostratis Jarli (**BIRGERI**) aula equestri **KONGSLENA**, admodum non multum distans. Confirmat quoque de violenta occupatione mentem nostram auctoritas regia, puta **CHRISTIERNI II**, qui traditae arcis Holmensis, pretium, feudi nomine Viduae **SIENONIS STURE** collatum Tavastiam, **TAGSTAHUS-CASTRUM** & **TAGSTAHUS-LÆHN** appellat ditionem arcis propinquam in diplomate, cujus in historia Praesidum & Gubernatorum regni Suetbici **STIERNMANNIANA** habetur recensio p. 19. Quis, ne temere & praeter rationem quis existimet nomen illud genti impositum esse, in exempli loco **MÆLERI** lacus cognomentum. **MEDLAREN** b. e. intermediam inter duos majores regni lacus stationem eidem deberi & proinde nostratis mediterranei maris nomine insigniri meruisse, **ERICUS OLAI** in historia arctica sua p. 116. ingeniose praetendit.

(e) Ad investigandum **LADOGÆ** lacus etymologiam, divinandam multa a multis collata est scientia. A **LAUGR** a qua Scythia Celtisque propria voce, **LAUGERN** (Mælarum,) Suetbiae primum, mox inde nostra quoque suum nomen palus arcessit. A **VAN** & **VATN** S. Gothicae majores lacus, immo Fennis hodie quoque Russia **WENEFJÆ** dicitur. A **LAUGR**, **LAG** nomine, **LOEGA** verbum, **LOEGERDAG** ditionibus sacra dies, & demum maris Adriatici ostiam Venerum **LAGUNA** dicitur. Recentem verò ex Suetbia coloniam eum Gardaricam intraret, a fundo perennis aquae domestico, paludem, quam in novis seculis suis invenirent, cognominasse non dubitabit, qui indigenatus sui nomina in colonias

semper & ubique nostrates transtulisse, & demum literam unam alteramve vocabulis inserendi morem, nullius non generis exteræ dialecto receptum esse, cogitaverit.

(f) CHOLMOGARDIAM cum emporio S. Michaëlis Archangeli, nescio qua ratione confundit SALANUS in sua ad Asm. & Eigilli historiam commentatione. Ad DWINAM amnem (Winao ähn) urbs utraqve sita est. A propinquo situ verò ad utriusque identitatem concludere non magis licet, quam a cohaerente Hamburgi & Altonæ situ eandem numero urbem inducere velle. Quidquid autem sit de situ, est atiquid, quo in unum convenisse dici possunt. Quam enim conversionem instituta humana nulla non persentiscere solent, eandem Holmgardia primum, mox Archangelopolis civitas quoque experta est. Una cum efflorescente nova urbe, Holmgardia vigere desit. Rursum, quæ mercimoniorum copia per proxima secula duo dominata est Archangelopolis, condita Petropoli, senescere se bodie suasque sensim quoque vires deficere, palam fatetur.

(*) Peringskicældii in vitam Theodorici annot. p. 532. §. XII.

SAIMEN SAVOLAXIÆ paludem esse, ejusque formam, seu filum nodis illigatum Holmgardici nominis indendi, occasionem dedisse, modo diximus. Eandem a *SABMIS* seu *SEMBIS*, & *SABMOS* a *SEMMINGER* Othiniano in illam ditionem ductore, nuncupari, prope in confesso quoque veritas posita est. *SEMI* & *SAAMI* ducem significare, & ab illo etymo *SAAMENLAAXI*, Lapporum linguâ, acquisitionis seu primævæ habitationis illorum terram cognominatam fuisse, una cum *RUDBECKIO*, in Lapponia sua *SCHEFFERUS* consentit. *SEMI* & *GETHARI* Noachidarum (a) in hanc plagam ductui *SABMIOS* & *GETAS* atque *SAUMIMÆN* nomina sua debere, Illust.

Illustri *VILDIO* non improbabilis conjectura apparet. *GOTUNHEIMIÆ* gigantum & semigigantum collectionem, *SAMLAND*, (*Samling*) (b) appellari meruisse, historix *Hernoræ* auctor in ipso exordio non obscure significat. Harum utra magis arrideat etymologia b. Lectoris arbitrium esto, cui in illa gentium & nationum mixtione primâ, unius rei plures sæpe dari homogeneas & analogas radices penitus non ignotum fuerit. Quidquid sit, *SABMIOS* quam *Lappos*, generis sui seminium, & *SAMEEDMA* quam *Lappiam* altæ dulcedinis vastitatem suam cognominari malle gentem, notum est. Complectebatur verò aboriginum *SABMIA* Jemtiâ olim, Angermanniam & longo tractu Botniâam utramque, atque demum in *Carelia*, quæ *Kjænungardia* seu terra feminarum australis audit, & *Finno-niâ* finibus terminabatur. sic ut quicquid sit terrarum versus Septentrionem, usque ad oceanum & mare album (*HVITATRÆSK*) nec non *Ladogam* lacum, circuitu suo *Sabmia* complexa sit. *Cajania* Russis *CAJANSKA-SEMBLA* (c) dicitur. Ab *ENARATRÆSK* boreali Amazonia non procul *SAMBIE* tractus occurrit. Ne de *SEMMINGIA* Uplandiâ ultra quid moveam, quæ ante factam disjunctionem Asiaticæ coloniæ majoris minorisque, suæ in hanc plagam migrationis antesignanti memoriam adhuc retinet. Seculo IV & V, cum antiquam & maritimam *Venediam* intrare & paulo post inde quoque migrare inciperent *Russi* nomades, ex *SAMBIA* nostra (*SEMIWARDILAND*) in *SAMBIAM* hodiernam *Rossia* sedes suas transtulisse, & ex illa *SAMOGETHAS* & *SEMGALLOS* (*SEMKALLERMEN*) martiam prolem *Sembiorum*, descendisse nullo modo dubitandum. quicquid in *miscellaneis* *Berolinensibus* pro diversa SEM-

SEMGALLIÆ etymologia molliatur commentationis de lingua Samogethica auctor J. E. Hederus, qui a *Sem* terra & *Gall* termino *Semgalliam* cognominari existimat. *Samogedas* ultimos arctoi orbis incolas, eosdemque primigeniæ Fennorum sedi, ut & *Zembla Sambiae* finitimos (vid. **LEIBNITIUM**) nostros Sabmios cognatione attingere perquam credibile est. Scilicet inter gentes e vagina hac egressas, quæ Baltica ad austrum litora primum, mox ipsam Germaniam inundaverunt, Semborum non obscura fuisse nomina, **OL. MAGNUS** in sua charta Gothica, & ex illo **MUNSTERUS** una cum **PERINGSKIOELDIO** in notis ad **COCHLÆI THEODORICUM** testes sunt concordēs. Certe in originibus suis Livonicis illust. **HERMELINUS** non dubitat, quin in Æstham una cum lingua sedes primum transtulerint Sembis mixti Fenni, & post nonnullius ævi in plaga illa comorationem, Livoniam, Prussiam & quæ plus ultra sitæ sunt terræ postmodum occupaverint. Fennorum & Æsthorum linguam a Slavonica diversam esse in Miscellaneis Berol. observat **LEIBNITIUS**. Ex oriente vero & aqyilone in Germaniam sese intrussisse Slavoniam & Ruziam, atque inter Holmgardenses Russos suæque oræ populos Slavos, majorem, quam quis crederet, comunitatem existisse ex Vitikindo in Hist. Germ. Imp. **DIETERICUS** cum **SCHWARTZIO** Professore Gryphico agnoscit, & demum *Semlandiam* Russis & Polonis contiguam una cum *Venlandia* subjugatum venisse **CANATUM** & **VALDEMARUM** Daniæ reges, immo religioni S. Olavi terram utramque adstrinxisse, una cum Slavica gentis historiographis **ADAMO** ceterisque, auctor appendicis ad **SAXONEM** anonymus consentit. Hæc sunt, quæ de nomine **SABMIORUM**, eorumque in Holmgardia

dia vetere incolatu, plausible conjectura monuisse non ingratum spero. Dicit de **SAMNIO** colonia & urbe Sytharum in Italia **FLORUS**, ita deletas suo ævo fuisse ruinas illius, ut *Sannum* in *Sannio* quærendum esset. Eo orbe hocce utrum **SAMBIORUM** cum **SAMNITIBUS** quorundam populi vestigia aliqua nos deprehenderimus, utrum conspectui nostro omnia se subdlexerint, aliis expendendum relinquo.

(a) **SAMOTHEI** sive **ABRAHAMI** sive **NOACHI**, a quo una cum sanguine scientiam suam omnem desumerint Philosophi & Medici & Theologi Celtarum, mentionem facit **DIKINSONIUS** in disert. de Druidibus, & ex illo in antiquitt. Mecklenburgicis **MASIUS**, Hæsnensis Theologus insignis. **SAMVITI** & **BOGARINI** in Moschoviam primorum ducum, quorum non multo post extincta sit memoria, fide chronicorum Moschoviticorum **SCHOETGENIUS** meminit. **SAMOTHEUM** coelestem, jurisque divini & humani peritissimum significare **DIKINSONIUS** urget. **BOG** verò nomine, cum **DEUM** Russi expressum velint; **SAMVITUS** autem a **Witt**, **Wittig**, **Wiß** ingeniosum, bonæque conscientiae (**SAMWEIL**) Visirium denotet, som **sámjar** ritet, qui regnum lege & bonis moribus administrat, (*Hervor. Hist. C. 14.*) utrum de **SEMBIORUM** & **GOTHORUM**, aut, si dicere mavis, **SAMOGETHARUM** cognatione primæva, & coloniarum utriusque, boream versus, primorum temporum peregrinatione, conjectatio nova inde exsculpi possit, in medium relinquo. Id de Celtarum philosophis certum est, quod quo propior esset Theologia eorum origini suæ, tanto sincera magis & fonti suo similior existerit antequam damnandis ritibus & superstitionibus, tractu temporis incrustaretur. Verum utrunque illa se res habeat, quod ad fontem & indolem vocis **SAMVITI**, cui non male convenire diximus modo appellativi nominis, mox proprii

prii characterem, ne praeter rationem id a nobis factam quis existimet, sciendum Illustris LEIBNITII auctoritatem in idem factum nos imprimis sequi, qui in Miscell. Berolinensibus eam naturam linguae tantum non omni eribuit, quod appellativa nomina propriis priora sint censenda; & quae, procedente tempore, facta sunt propria, eadem usu siue simplici suo, siue composito, prudentiam, fortitudinem aliamve cum virtute conjunctam qualitatem denotare ait. THEODORICI & FREDRICI nomen in exemplum ipse adducit. Exprimit altitudinem animi eandem quoque Samviti boni ominis appellatio, neque sine consilio & acri judicio dignitati tuendis gentibus devotae illa accommodatur. Apud Sueo. Gothos nostros, quam in conferendo nominis signo, ejusmodi notam liberis suis parentes adsignaverint, unde quibus moribus semet accommodare deberent, colligere ipsi possent, istud, inquam, cum more suo graphice & scite Dn. Doctor CELSIUS expresserit in observatione sua quoque actis liter. Sp. anni 1727. inserta, hac de re pluribus differere non est opus.

(h) Lappi cum Fennis & Samogedis unius originis esse videntur SCHEFFERO. Patriam, quae hodie Fennorum est, Lappos, una cum imperio Sueonum hinc loci invalescente, destituisse idem sentit. Nos Auctoris de SAMOGEDARUM & SAMOGETHARUM cum Fennis consanguinitate hypothesein in antecedentibus adeo non negavimus, ut eidem magis accesserimus. Lingua enim, originis respectu invicem non dissimilis, corporis & ingenii constitutio, nec non privatae vitae ratio, usque hodie retinens vestigia pristinae formae, de sanguinis nexu certe non obscure loquuntur. Quod verò emigratio gentis, ante Suecorum sub ERICO rege irruptionem, nulla acciderit, adeoque cum finitimis ante nulla consuetudo exstiterit, id ut credamus ulla neque circumstantia, neque ratio

nas

nos inducit. Fennorum & Creto-Fennorum; (Skrid Finnar) gentem, quod ad vitae modum, quem ab antiquo retinet, ante multo nobis non pauci exposuere. Eundem cum rationibus economicis, quae in Sembla, Sambia (Vide LEIBNITIIUM) & Cajenska-Sembla hodie obtinent, quisquis conferre voluerit, sanguinis & linguae nexum ad socialia vitae commercia, quamvis sub alieno, puta Fennico nomine, vicinas gentes multo ante excivisse, nemo dubitat.


(e) Nöeteburgum castrum Careliae munitissimum a TORKILLO CANUTI, nostrae gentis prorege exstructum, idemque arcendis Russorum atrocitatis destinatum, Moschovitis Venes-Zembli dicit, & sum Svecbico Landscrona eandem omnino rem importare arbitratur Nobil. SCHOENSTROEM in sua ad Hist. Spec. Introd. Stant ab iisdem partibus procul neque, qui in Persidem tendentes nuper per regionem SAMOGEDARUM, vi vocis cum antropophagis coincidere appellationem istam contendunt. Verum respectu ante dictorum, Lappiam Moschoviticam sub notione priori potius, exprimi existimaverimus. Quae Zembli & Zembli nominis ratio sit censenda, modo diximus. Vanalæifet a VANIS Celtis primorum temporum colonis, iisdemque aqvam omnium rerum principum statuentibus, terram Russorum cognominari, veritas est ad umbilicum deducta, Slavis, Russive idiomate vernaculo utrum VENEZ regionem & ZEMBLI coronam significet, qui in antiquitatibus linguae utriusque magis versati sunt, non longe videbunt.

Partis hujus historico-etymologicae SYNOPSIS

S. 1. 2. 3. Asiaticorum in Septentrionem immigrationis priscae & recentioris mentionem indicat.

- jiciunt, præcipue vero familia OTHINIA.
NÆ per regna aquilonaria primum, mox Venetorum, cognata gentis, plagam, dispersionum.
- §. 4. Imperium Moschovia hodie vastissimum in minora multo corpora politica olim divisum fuisse, ait.
- §. 5. Regiones TANAI adjacentes, præcipue vero, quæ sinum Venedicum proxime contingunt, imperio S. Gothico quondam subjecta erant.
- §. 6. 7. 8. 9. Ex Scandriâ colonos & dynastas olim habuisse terram, gentemque Moschoviticam, nomina, quibus universus tractus ille insignitur, quæque mere Gothica sunt, satis apte demonstrant.
- §. 10. Ostrogardiæ an verò Holmgardiæ appellatio prior & antiquior?
- §. 11. HOLMGARDIÆ quæ ratio denominationis?
- §. 12. De SAIMEN lacu, nec non SAMBIIS, quæ quondam, quæ hodie sint observanda non nulla inculcat.





Suecia
antiquitates

